



Broj: 03-14-1974/16

Datum: 14.12.2016.godine

Na osnovu člana 36. Poslovnika Gradskog vijeća Grada Sarajeva („Službene novine Kantona Sarajevo“ broj 28/09), člana 13. Odluke o osnivanju Službe Gradskog vijeća Grada Sarajeva („Službene novine Kantona Sarajevo“, broj 36/05), te Odluke o pokretanju postupka javne nabavke 46/16, broj: 03-14-1790/16 od 17.11.2016.godine, u vezi s Izvještajem Komisije od 14.12.2016. godine, formirane Rješenjem o imenovanju Komisije za provođenje konkurentskog zahtjeva za nabavku roba za potrebe Gradskog vijeća Grada Sarajeva, broj: 03-34-1896/16 od 05.12.2016. godine, sekretar Gradskog vijeća Grada Sarajeva, donosi

**ODLUKU O IZBORU PONUĐAČA
ZA DODJELU UGOVORA O NABAVCI ROBA
IZ OBAVJEŠTENJA O NABAVCI BROJ: 1278-7-1-151-3-28/16**

I

Dodjeljuje se Ugovor o nabavci roba – laptopa i kompjutera sa operativnim sistemom za potrebe Projekta službene elektronske komunikacije u Gradskom vijeću Grada Sarajeva, ponuđaču „R&S“ d.o.o. Vogošća, po provedenom postupku javne nabavke putem konkurentskog zahtjeva (član 89. stav 3. Zakona o javnim nabavkama („Službeni glasnik BiH“, broj 39/14), u vrijednosti od 52.790,00 KM bez PDV-a, a u svemu prema ponudi broj: 10263/16, zaprimljenoj 05.12.2016. godine pod brojem 03-05-1897/16.

II

Poslije upućivanja zahtjeva, odnosno objave obavještenja o predmetnoj nabavci, u postupku nabavke putem konkurentskog zahtjeva, podnesene su dvije kvalificirane ponude.

U jednoj kvalificiranoj i ocjenjivanoj ponudi je ponuđena oprema s nižom ukupnom cijenom za 342,00 KM koja je bila dostavljena u svemu prema tenderskoj dokumentaciji, osim što su, umjesto jasno navedenih karakteristika opreme koja se nudi, bili navedeni samo opći nazivi serija proizvoda, te je ovom ponuđaču bio upućen zahtjev za pojašnjenje ponude, u skladu s članom 68. stav 3) odnosno članom 49. stav 1) (d) Zakona o javnim nabavkama. Međutim, ponuđač nije u potrebnom roku dostavio traženo pojašnjenje, odnosno dokaze, kojim bi potvrdio da će za ponuđenu cijenu isporučiti opremu odgovarajućih karakteristika traženih u tenderskoj dokumentaciji – tehničkoj specifikaciji, te je ugovorni organ odbacio ovu ponudu.

Ponuda ponuđača kome se ovom Odlukom dodjeljuje ugovor, bila je tehnički prihvatljiva, odnosno, uz ponudu su dostavljene jasno precizirane karakteristike opreme koja se nudi, a prema tehničkoj specifikaciji iz tenderske dokumentacije sa ponuđenom cijenom u okviru procijenjene vrijednosti nabavke i okviru sredstava planiranih u Budžetu Grada Sarajeva za 2016. godinu, neznatno višom od cijene drugog ponuđača.

Obzirom na navedeno, odlučeno je kao što je navedeno u tački I ove Odluke.

III

Ova odluka stupa na snagu danom donošenja.

Pouka o pravnom lijeku: Protiv ove odluke može se uložiti žalba Uredu za razmatranje žalbi Bosne i Hercegovine u roku od 15 dana od dana prijema ove odluke, a putem Gradskog vijeća Grada Sarajeva.

Dostaviti:

- ponuđačima,
- evidenciji,
- a/a



SEKRETAR GRADSKOG VIJEĆA

Safet Krajišnik